



Reykjavíkurborg
Skóla- og frístundasvið

Reykjavík, 12. apríl 2019
SFS2019020055
6.4
HG/ag

Ráðhús Reykjavíkur
Borgarráð

Efni: Rekstrarleyfi fyrir Sælukot

Á fundi skóla- og frístundaráðs þann 9. apríl 2019 var lagt fram nýtt rekstarleyfi fyrir leikskólann Sælukot ásamt minnisblaði sviðsstjóra skóla- og frístundasviðs um breytingu á rekstarleyfi leikskólans Sælukots, dags. 20. mars 2019.

Erindið var samþykkt og vísað til borgarráðs með þeirri breytingu að fram komi í rekstrarleyfi að það nái til 72 barna á aldrinum 12 mánaða til 6 ára, þar af 20 á aldrinum 12 mánaða til 18 mánaða.

Erindinu er hér með vísað til borgarráðs.

Virðingarfyllt

Helgi Grímsson
sviðsstjóri skóla- og frístundasviðs

Hjálagt:
Minnisblað, dags. 20. mars 2019
Rekstrarleyfi fyrir leikskólann Sælukot

MINNISBLAÐ

Viðtakandi: Skóla- og frístundaráð
Sendandi: Helgi Grímsson, sviðsstjóri skóla- og frístundasviðs

Efni: Beiðni um opnun ungbarnaeildar í leikskólanum Sælukoti

Fyrir liggur beiðni frá leikskólanum Sælukoti um breytta samsetningu á barnahópnum í leikskólanum og um að bæta við ungbarnaeild.

Núverandi rekstrarleyfi leikskólans gerir ráð fyrir 72 börnum á aldrinum 18 mánaða til 6 ára. Greitt var framlag vegna 39 reykvískra barna í febrúar 2019.

Áætluð breyting kveður á um breytta samsetningu barnahópsins og verður eftir breytinguna heimilt að reka leikskóla í húsnæðinu fyrir allt að 72 börn, þar af 20 börn á aldrinum 12 mánaða til 18 mánaða.

Á fundi skóla- og frístundaráðs þann 11. desember sl. og í borgarráði þann 10. janúar sl. var samþykkt tillaga varðandi ungbarnaeildir í sjálfstætt reknun leikskólum: https://fundur.reykjavik.is/sites/default/files/agenda-items/44._sfs_ungbarnaeildir.pdf

Umbeðin breyting uppfyllir það skilyrði framangreindrar tillögu að nýting á plássum samkvæmt rekstrarleyfi eykst að lágmarki sem nemur 2/3 þeirra barna sem áætluð eru á ungbarnaeildina.

Af hálfu skóla- og frístundasviðs er ekki gerð athugasemd við að rekstrarleyfi verði breytt með þeim hætti að Sælukoti verði heimilað að vera með 72 börn á aldrinum 18 mánaða til 6 ára, þar af 20 börn á aldrinum 12 til 18 mánaða.

Rekstrarleyfi fyrir leikskólann Sælukot

Með vísan til 25. gr. laga nr. 90/2008 um leikskóla og reglur Reykjavíkurborgar um leyfi til reksturs leikskóla veitir skóla- og frístundaráð Reykjavíkurborgar hér með Leikskólanum Sælukoti kt. 420683-0309, leyfi til að reka leikskólann Sælukot.

Fyrir liggja teikningar af húsnæði leikskólans að Þorragötu 1, 101 Reykjavík. Veitt er heimild til að reka leikskóla í húsnæðinu fyrir allt að 72 börn á aldrinum 12 mánaða til 6 ára, þar af 20 börn á aldrinum 12 – 18 mánaða.

Vottorð liggur fyrir frá Vinnueftirliti ríkisins og heilbrigðiseftirliti Reykjavíkur um að húsnæðið uppfylli þær kröfur sem gerðar eru til starfseminnar.

Við leikskólann skal starfa leikskólastjóri, sem hefur starfsheitið leikskólakennari og hefur annaðhvort viðbótarmenntun í stjórnun eða kennslureynslu á leikskólastigi.

Við ráðningu annarra starfsmanna leikskólans skal gætt ákvæða laga nr. 87/2008 um að í 2/3 hluta stöðugilda við kennslu, umönnun og uppeldi barna séu ráðnir leikskólakennarar.

Rekstraraðila ber að láta alla starfsmenn leikskólans undirrita yfirlýsingu um að þeir muni gæta þagmælsku um hagi barna og foreldra þeirra sem þeir fá vitneskju um í starfi sínu og leynt skulu fara samkvæmt lögum, fyrirmælum yfirmanna þeirra og eðli máls.

Þjónustumiðstöð Vesturbæjar, Miðborgar og Hlíða veitir leikskólanum sérfræðiþjónustu, sbr. reglugerð nr. 584/2010, um sérfræðiþjónustu leik- og grunnskóla.

Leikskólastjóra er skylt að endurskoða skólanámskrána reglulega og leggja hana fyrir skóla- og frístundaráð til staðfestingar. Skólanámskrá leikskólans er frá árinu 2015.

Starfsáætlun ber að skila árlega samkvæmt nánari ákvörðun skóla- og frístundaráðs.

Leikskólanum er skylt að meta með reglubundnum hætti gæði leikskólastarfsins á grundvelli 17. gr. laga nr. 90/2008 um leikskóla og reglugerð nr. 893/2009 um mat og eftirlit í leikskólum og eftirlitsskyldur sveitarstjórna um skólalahl. Upplýsingar um matið ber leikskólanum að birta opinberlega ásamt tengslum þess við skólanámskrá og áætlanir um umbætur.

Skóla- og frístundasvið Reykjavíkurborgar framkvæmir ytra mat og hefur eftirlit með leikskólanum. Ber leikskólanum að láta skóla- og frístundasviði í té gögn um innra mat sitt ásamt öðrum upplýsingum sem eru nauðsynlegar vegna ytra mats og eftirlits.

Uppfylli leikskólinn ekki ofangreind skilyrði getur skóla- og frístundaráð afturkallað rekstrarleyfið, ef rekstraraðili bregst ekki við athugasemdum innan tilskilins frests. Rekstrarleyfið tekur gildi 13. ágúst 2015.

Reykjavík xx. apríl 2019

Helgi Grímsson, sviðsstjóri skóla- og frístundasviðs Reykjavíkurborgar.